

1. ხელშეკრულების დამდები მხარეები

ერთის მხრივ ქალაქ თბილისის მუნიციპალიტეტის ვაკის რაიონის გამგეობა (შემდგომში - შემსყიდველი), წარმოდგენილი გამგებლის ლაშა აბაშიძის სახით და მეორეს მხრივ შპს „პროექტ კომპანი“ (შემდგომში მიმწოდებელი), წარმოდგენილი დირექტორის გიორგი ჭყობიძის სახით, საქართველოში მოქმედი კანონმდებლობის შესაბამისად შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების საგანი (შესყიდვის ობიექტი), შესყიდვის საშუალება,

ხელშეკრულების ღირებულება და მოქმედების ვადა

2.1 ხელშეკრულების საგანი (შესყიდვის ობიექტი) - ქალაქ თბილისის მუნიციპალიტეტის ვაკის რაიონის ტერიტორიაზე სკვერების აღდგენა-შეკეთების სამუშაოებისთვის საპროექტო-სახარჯთაღრიცხვო დოკუმენტაციის (დეფექტური აქტები) და ესკიზური ნახაზების შედგენის სახელმწიფო შესყიდვა. (იხ. დანართი #1);

2.2 შესყიდვის საშუალება - კონკურსი;

2.3 კონკურსის განცხადების უნიკალური ნომერი : # 1612;

2.4 ხელშეკრულების ღირებულება შეადგენს 4 700 (ოთხი ათასი შეიდანის) ლარს, ყველა გადასახადის ჩათვლით;

2.5 კლასიფიკატორის კოდი - 71200000;

2.6 ხელშეკრულება ძალაში შედის გაფორმებისთანავე და ძალაშია 2015 წლის 30 ივნისის ჩათვლით.

3. მომსახურების გაწევის პირობები და ვადები

3.1 მომსახურების გაწევის ხელშეკრულების გაფორმებიდან არაუგვიანეს 2015 წლის 22 მაისის ჩათვლით (19 კალენდარული დღე);

3.2 შემსყიდველის მოთხოვნის საფუძველზე შესაძლებელია დასაპროექტებელი მისამართების ცვლილება (მათ შორის რაოდენობრივად), დასაპროექტებელი მისამართების დამატების შემთხვევაში, შემსყიდველი მიმწოდებელს მომსახურების გაწევისათვის დამატებით განუსაზღვრავს გონივრულ ვადას;

3.3. პროექტირების პროცესში, სახარჯთაღრიცხვო დოკუმენტაციის შედგენისას საქართველოს მთავრობის 2014 წლის 14 იანვრის №55 დადგენილებით დამტკიცებული „ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესში“ მოცემული შესასრულებელი სამუშაოების აღმოჩენის შემთხვევაში, ზედნადები ხარჯებისა და გეგმური მოგების გაანგარიშება მოხდეს ზემოთაღნიშნული დადგენილებით განსაზღვრული წესის შესაბამისად;

3.4. მიმწოდებელი ვალდებულია უზრუნველყოს „შეზღუდული შესაძლებლობის მქონე პირებისათვის სივრცის მოწყობისა და არქიტექტურული და გეგმარებითი ელემენტების ტექნიკური რეგლამენტის დამტკიცების თაობაზე“ საქართველოს მთავრობის 2014 წლის 6 იანვრის №41 დადგენილებით გათვალისწინებული ნორმების დაცვა.

4. გასაწევი მომსახურების ხარისხი

4.1 საპროექტო დოკუმენტაციის ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების პერიოდულ ინსპექტირებასა და კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის ვაკის რაიონის ინფრასტრუქტურის განვითარების განყოფილების თანამშრომლები, ხოლო ტექნიკურ ზედამხედველობას საჭიროების შემთხვევაში (საჭიროებას წყვეტს შემსყიდველი) შემსყიდველის მიერ მოწვეული ექსპერტი (საექსპერტო ჯგუფი).

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლი (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და მითითებულ ვადაში წარმოადგინოს ინსპექტირებული დოკუმენტები.

6. შესყიდვის ობიექტის მიღება-ჩაბარების წესი

6.1. შემსყიდველის მიერ შესყიდვის ობიექტის მიღება ფორმდება მიღება-ჩაბარების აქტით (საჭიროების შემთხვევაში მიღება-ჩაბარება ფორმდება შემსყიდველის მიერ მოწვეული ექსპერტის (საექსპერტო ჯგუფის) მიერ გაცემული დადებითი დასკვნის საფუძველზე). მიღება-ჩაბარების აქტი დამოწმებული უნდა იქნას შემსყიდველისა და მიმწოდებლის უფლებამოსილი წარმომადგენლების ხელმოწერით.

6.2 საექსპერტო ჯგუფის მიერ წარმოდგენილ დასკვნაში დეფექტის ან ნაკლის გამოვლენის შემთხვევაში შემსყიდველი ოპერატიულად, წერილობითი სახით, აცნობებს მიმწოდებელს დაწუნებული მომსახურების მოცულობებს და წუნდების მიზეზებს.

6.3 შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოს მიმწოდებელი გონივრულ ვადაში. დეფექტის აღმოფხვრასთან დაკავშირებული ვადა თავის მხრივ გავლენას არ ახდენს მომსახურების შესრულების ვადებზე და გეგმა გრაფიკზე.

6.4 იმ შემთხვევაში თუ მიმწოდებელმა არ გაასწორა გამოვლენილი დეფექტი შემსყიდველის მიერ განსაზღვრულ გონივრულ ვადებში, მაშინ შემსყიდველის უფლებამოსილი პირი/პირები შეაფასებს გამოვლენილი დეფექტის და დეფექტის მიერ გამოწვეული ზიანის ღირებულებას, რომელიც გამოიქვითება ანგარიშსწორებით გათვალისწინებული თანხებიდან და დაეკისრება პირგასამტეხლო.

6.5 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოადგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ქალაქ თბილისის მუნიციპალიტეტის 2015 წლის ბიუჯეტით ვაკის რაიონისთვის დამტკიცებული ასიგნებებით, მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის განმავლობაში.

8. ხელშეკრულების პირობების შეუსრულებლობა

(პირგასამტეხლოს ოდენობა და გადახდის ვადები)

8.1 ფორს-მაჟორული პირობების გარდა, შემსყიდველს უფლება აქვს ცალმხრივად შეწყვიტოს ხელშეკრულების მოქმედება, თუ მიმწოდებელი:

ა) არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

ბ) სისტემატიურად და/ან უხეშად არღვევს ხელშეკრულების პირობებს;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში;

8.2. თუ მიმწოდებელი გადააცილებს შესყიდვის ობიექტის მიწოდების ან მომსახურების დაწყების ვადას, დაეკისრება პირგასამტეხლო ყოველ ვადაგადაცილებულ დღეზე შეუსრულებელი სამუშაოების ღირებულების 0.1%-ის ოდენობით;

8.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 1%-ს შემსყიდველს უფლება აქვს შეწყვიტოს ხელშეკრულება;

8.4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

8.5 პირგასამტეხლოს სახით დაკისრებული თანხა გადახდილი უნდა იქნეს მხარისათვის (მიმწოდებელი) აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან ერთი თვის ვადაში.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილების შესახებ, მისი მიღების საფუძველი და ამოქმედების თარიღი.

9.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) მომსახურების არაჯეროვნად შესრულების შემთხვევაში შემსყიდველი უფლებამოსილია შეწყვიტოს ხელშეკრულება და აუნაზღაუროს მიმწოდებელს შეროვნად შესრულებული მომსახურების ღირებულება;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შესრულებლობა ან დარღვევა და არ გამოიწვევს პირგასამტეხლოს გამოყენებას.

10.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახდინოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4-მ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 წინასწარ გაუთვალისწინებელი მიზეზების წარმოშობის გამო შესაძლებელია ხელშეკრულების პირობების შეცვლა. ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. უფლებების გადაცემა;

12.1 მხარე ვალდებულია მეორე მხარეს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე;

12.2 მხარეებს არა აქვთ უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი;

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ურთიერთობა ხელშეკრულების დამდებ მხარეს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეს შორის უნდა ატარებდეს წერილობით ფორმას, წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეკემბრის, ტელექსის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

- 14.1 ხელშეკრულების დამდები მხარეები თანხმდებიან მასზე, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით ან/და მოგვარდეს პირდაპირი არაოფიციალური მოლაპარაკებების შეშვეობით სამართლიანობის ფარგლებში.
- 14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.
- 14.3 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.
- 14.4 ხელშეკრულება დადებულია საქართველოს კანონმდებლობის შესაბამისად და ნებისმიერი სადაო საკითხი გადაწყდება საქართველოს კანონმდებლობის მიხედვით.

15. სხვა პირობები

- 15.1 ხელშეკრულება შედგენილი უნდა იქნეს ქართულ ენაზე, ორ ეგზემპლარად, თითოეულ მათგანს გააჩნია თანაბარი იურიდიული ძალა. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი, მისი მოთხოვნის შემთხვევაში, ერთი ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე შედგენილ ხელშეკრულებას მიენიჭება უპირატესობა.

16. მხარეთა იურიდიული რეკვიზიტები:

შემსყიდველი:	მიმწოდებელი:
ქ. თბილისის ვაკის რაიონის გამგეობა მის: ქ. თბილისი თამარაშვილის ქ. №10ა სახელმწიფო ბაზინა კოდი: TRESGE22 ა/ა № GE24NB0330100200165022 ს/კოდი: 204872539	შპს „პროექტ კომპანი“ მის: ქ. თბილისი, წყევლიძის ქუჩა #58 824 ს.ს. „საქართველოს ბანკი“ კოდი: BAGAGE22 ა/ა № GE95BG000000000895609800 ს/კოდი: 404892853
გამგებელი ლაშა აბაშიძე	დირექტორი გიორგი ჭყოიძე
	

ქალაქ თბილისის მუნიციპალიტეტის ვაკის რაიონის ტერიტორიაზე სკვერების აღდგენა-შეკეთების სამუშაოებისთვის საპროექტო-სახარჯთაღრიცხვო დოკუმენტაციისა (დეფექტური აქტები) და ესკიზური ნახაზების შედგენის სახელმწიფო შესყიდვა.

მოთხოვნები, როგორც იურიდიული ასევე ფიზიკური პირებისათვის:

1. სკვერების აღდგენა-შეკეთების შესასრულებელი სამუშაოების ღირებულება შეადგენს არაუმეტეს 200 000 (ორასიათასი) ლარს.
2. მისამართები:

სკვერების შეკეთება

№	მისამართი
1	ბაგები 2 კ
2	მოსაშვილის 9
3	ჭავჭავაძე 11
4	შატერაშვილის 2
5	გეგეშიძის ბაღი
6	ყიფშიძე 10-12
7	ნუცუბიძის 2 მ.რ. 2 კვ. 7 კორპუსის მიმდებარედ
8	ნუცუბიძის 4 მ.რ. 29 კორპუსის მიმდებარედ
9	ნუცუბიძის 2 მ.რ. 2 კვ. 12 კორპუსის მოპირდაპირედ
10	ნუცუბიძის 2 მ.რ. 3 კვ. 4 კორპუსის მიმდებარედ
11	ნუცუბიძის 3 მ.რ. 2 კვ. 3 კორპუსის მიმდებარედ
12	ნუცუბიძის 4 მ.რ. 11 კორპუსის მიმდებარედ
13	ნუცუბიძის 4 მ.რ. 22 კორპუსის მიმდებარედ
14	ნუცუბიძის 221/4
15	ნუცუბიძის 4 მ.რ. 2-3 კორპუსის მიმდებარედ
16	ვ/ფ 1კვ კორ 24 კორ
17	ვ/ფ 6კვ კორ 24
18	ვაჟა-ფშაველას 7კვ. 16კ
19	ვ/ფ 6კვ კორ 2-10-15 კორპ შორის
20	დ. ამილახვარის 31
21	არსენას 36
22	ამილახვრის 25

3. შესასრულებელი სამუშაოების საპროექტო-სახარჯთაღრიცხვო დოკუმენტაციის შედგენისას მიწოდებულმა უნდა იხელმძღვანელოს ქვეყანაში მოქმედი სამშენებლო ნორმებითა და სტანდარტებით.

გამგებელი

ლაშა აბაშიძე



დირექტორი

გიორგი ჭყოიძე

